



Inatsisartunut ilaasortamut
Aki-Matilda Høegh-Dam
Naleraq

15-12-2025
Suliap normua
2024-10523

All. il.
26046185

Postboks 260
3900 Nuuk
Oqa. (+299) 34 50 00
Nass. (+299) 34 66 66
E-mail: miin@nanoq.gl

Meeqqat angerlarsimaffiup avataanut inissinneqartarnerat aamma inuit pisinnaatitaaffii pillugit § 37 naapertorlugu apeqquaqqaammut nr. 205-mut akissuteqaat

Asasara Aki-Matilda.

Apeqqutinut qujanaq. Apeqqutit ataasiakkaarlugit akissutiniq malitseqartillugit ataani allanneqaqqipput.

1. Kalaallit Nunaanni inissaqannginneq kisiat patsisigalugu, Oqartussat akisussaasut meeqqanik Kalaallit "Inuit" angajoqqaavinit arsaarinnissimanerat, inuit pisinnaatitaaffiit tamalaanut unioqutitsinerua?

Ilaqutariit ilaqutariittut inuuneqarnissaminut pisinnaatitaaffeqarput, tak. NP-ip Meeqqanut isumaqatigiissutaanni artikeli 9, aamma meeqqat pinngitsaalillugit angajoqqaaminnit avissaartinneqarsinnaanngillat, meeqqamut pitsaanerpaaq pineqartillugu pisariaqavitsinnagu. Aalajangiinerit tamarmik meeqqamut pitsaanerpaamik aallaaveqartussaapput, tak. artikeli 3. Tamanna isumaqarpoq naliliilluareernikkut ataasiakkaartumillu nalileereernikkut inissiineq aatsaat pisinnaammat, tassani siullermik minnerusumik iliuuseqarnissaq misilinneqaqqaarsimalluni.

Inissaqannginneq kisiat pissutigalugu inissiineq tunngaviumik NP-ip Meeqqanut isumaqatigiissutaanik aamma nunat tamalaat akornanni inuit pisinnaatitaaffiit unioqutitsineruvoq, ilaatigut EMRK-mi ilaqutariittut inuuneqarnissamik pisinnaatitaaffik pillugu artikeli 8-mi. Tamakkiisumik naliliinermi ineqarnermut tunngatillugu pissutsit peqqutaataasinnaapput, taakkuli kisimik peqqutaasinnaanngillat. Pisariaqartinneqartillugu, naleqquttumik meeqqamullu pitsaanerpaamik tunngaveqarlualuni aalajangiisoqartassaaq – inooqataanikkut aningaasatigulluunniit pissutsit tunngaviginagit.

Piviusumilli meeqqat inissinneqartariaqartarput angajoqqaat angerlarsimaffeqannginnerat pissutigalugu. Taamatut pisoqarnissaa pinaveersaartinniarlugu Inatsisartut inatsisaat § 21, imm. 4, nr. 4 periarfissiivoq inissiisarneq pinngitsoortinniarlugu pisariaqartinneqarpat aningaasanik tapiisoqarsinnaanera, assersuutigalugu. anisitaanissamik ulorianartorsiortoqarpat imaluunniit attartornermut akiliisinnaannginnermi. Pingaaruteqartoq tassaavoq inissiinissaq pillugu aalajangiineq meeqqap pisariaqartitaanik inuuneranillu qanoq inissisimaneranik erseqqissumik nalilersuinermit tunngaveqarnissaa. Inissaqannginnerup inissiinissamut aatsaat pissutissaqartitsisinaavoq meeqqamut pitsaanerpaaq angerlarsimaffimmi



naammassineqarsinnaanngippat, aammalu iliuuseqarneq meeqqamut pitsaanerpaasup qulakkeernissaa siunertamut naleqquttuuppat.

Inussiarnersumik inuulluaqqusillunga
Jens-Frederik Nielsen